

四庫全書

子部

欽定四庫全書

子部

證治準繩卷八十

詳校官太醫院醫士臣舒岱

編修臣倉聖脉覆勘

總校官進士臣朱鈐

校對官中書臣吳俊

謄錄監生臣何照鄰

欽定四庫全書

證治準繩卷八十

明 王肯堂 撰

幼科

心臟門

瘡疥

瘡疥海小兒經絡蘊熱頭面及身體生瘡四君子加灰
薑根桔梗各半錢煎服 湯小兒惡瘡天氣溫和頻與

澡洗更衣名曰外宣亦不宜服藥小兒不得已而服藥此乃下法若將養合宜何疾可侵更令乳哺有節勿令過飽其身乃如藥樹此養生之理也

湯惡瘡方 頻浴身安外宣無病

春用柳條荊芥 夏用棗葉槐枝 秋冬用苦參

俱煎湯洗浴

加味羌活散 治小兒四氣外搏肌膚發為癰疹增寒

發熱身痒

羌活

前胡

各一兩

人參

桔梗

茯苓

甘草

炙

川芎

枳殼

麸炒

天麻

各半兩

蟬蛻

去鱗

薄荷

各二錢

右十一味剉碎每服三錢水一盞薑三片煎至六分

不拘時服

當歸飲子

治小兒心血凝滯內蘊風熱發見皮膚遍

身瘡疥或腫或痒或膿水浸淫

當歸

去蘆

赤芍藥

川芎

生地黃

蒺藜

炒去刺

荆

芥穗

防風

去蘆各一兩

何首烏

黃耆

去蘆

甘草

炙各半兩

右十味剉碎每服四錢水一盞薑三片煎六分服無時

胎毒瘡疥因稟胎熱或娠母飲食之毒七情之火初如乾癬後則膿水淋漓或結靨成片如發于兩耳眉或耳前後髮際之間属手少陽經若發于四肢属脾胃經發于兩脇属肝經發于額属心經發于腦属膀胱經發于頰頰属腎經當隨各經所主五臟勝負及乳母食啖厚味鬱怒所傳致而調治之不可輒用化毒犀角等丸設

元氣復傷轉變他證尤為難療 一小兒遍身患之服

牛黃解毒丸皆愈惟頭結痂作痒出水此稟腎經虛熱

用地黃丸解毒散而愈 一小兒患於髮際之間作痒

診其母有肝火用加味道遙散加漏蘆用牛黃解毒散

而愈

解毒散一名托毒散

一小兒患於左耳髮際漸延上頭作

痒此稟肝膽二經熱毒用柴胡清肝散母子並服而愈

後不戒膏粱復發膿水淋漓右頰赤色此胃經有熱先

用清胃散仍用柴胡清肝散治肝火母子俱服又用立

効散牛黃解毒丸而愈 一小兒兩眉患之延及遍身
四肢為患膿水淋漓寒熱往來屬肝脾積熱用清胃散
小柴胡湯立効散而愈復眉間復患兩目連劄小便白
濁用四味肥兒丸九味蘆薈丸而愈 一小兒因乳母
不戒七情厚味患此久不愈母用清胃逍遙二散子用
牛黃解毒丸愈後兒食甘味眉間生瘡痒痛目劄用四
味肥兒丸為主佐以加味逍遙散清胃散而愈 一小
兒遍身患之兩脇為甚子用四味肥兒丸立効散母用

柴胡梔子散而愈

牛黃解毒丸 治胎毒瘡癰及一切瘡瘍

牛黃

錢三

甘草

金銀花

兩一

草薢 河車

錢五

右四味為末煉蜜丸量兒服

立効散 治鬢瘡耳瘡及一切瘡疥

定粉

末

松香

末

黃檗

末

黃連

末

枯礬

末

各兩

右五味各另為末用清油燭油調搽

敷藥解毒散 治一切毒瘡風疹痒痛

大黃 黃蘗 山梔 寒水石

各等分

右四味為末水調搽若破而膿水淋漓用當歸膏或

清燭油調尤善

柴胡梔子散

發熱

四味肥兒丸

疳

九味蘆薈丸

疳

金黃散

天泡瘡

熱毒瘡疥因乳哺過早或嗜甘肥臟腑積熱或母食膏粱厚味或七情內火所致當分臟腑所屬之因病之虛實調其血氣平其所勝如肝經實熱用柴胡清肝散虛

熱用六味地黄丸心經實熱用導赤散虛熱用補心湯
脾經實熱用瀉黃散虛熱用補中湯肺經實熱用瀉白
散虛熱用五味異功散腎經熱用六味地黄丸大凡手
足冷者屬虛寒手足熱者屬實熱脈沉數有力作渴飲
冷大便秘實此邪在裏宜內疎若脈浮數有力作渴飲
冷此邪在表宜發散若脈浮大按舉無力或作渴飲湯
乳食少思此真氣虛而發熱也調理脾胃其病自愈切
不可用寒涼之劑復損真氣嬰兒宜調治乳母為主

一小兒脇間患此寒熱如瘧小便頻數此稟肝火所致
先用柴胡清肝散又用加味逍遙散而愈後因乳母肝
火動而復發用加味逍遙散及八珍湯加牡丹皮山梔
母子服之並愈 一小兒腹間患此發熱便血面黃少
食或作嘔或作瀉手足時冷右關脉弦數此脾土虛弱
肝火為患宜用五味異功散加升麻柴胡山梔益肝氣
清肝火後用地黃丸滋腎水生肝血而愈 一小兒腿
內股患此色赤不愈發熱面色或赤或青此稟腎陰不

足而木火熾盛先用柴胡梔子散以清肝火後用地黃
丸以補肝腎而愈 一小兒肘間患此作渴飲冷右寸
關脉數而無力此胃經積熱傳於肺經也先用瀉黃瀉
白二散漸愈後用五味異功散四味肥兒丸而愈 一
小兒嗜膏粱甘味先患背膊後沿遍身淋漓此飲食之
熱而傷脾血也先用清胃瀉黃二散而愈但形氣怯弱
用五味異功散而元氣復

諸疳瘡疥因脾胃虧損內亡津液虛火妄動或乳母六

淫七情飲食起居失宜致兒為患當分其因審其經而
平之如面青寒熱或白翳遮睛肝經之證也面赤身熱
或作渴驚悸心經之證也面黃體瘦或作渴泄瀉脾經
之證也面白咳嗽或鼻間生瘡肺經之證也面鰲體瘦
或喜臥濕地腎經之證也嬰兒宜調治乳母若不審五
臟勝負形病虛實妄行敗毒多致不救

湯傳瘡藥方

剪刀草 黃連 苦參

右三味等分為末先洗淨次用麻油輕粉調傅

田瘡癬治法浸淫瘡宜用苦瓠散塗之乾癬宜用羊蹄根絞自然汁調膩粉塗之濕癬宜用青金散貼之

苦瓠散 治小兒浸淫瘡漸展不止

苦瓠

二蛇蛻

灰蜂房

微炒各半兩

梁上塵

一合

右四味為細末生油調塗攤帛上貼

青金散 治小兒濕癬浸淫瘡

白膠香

研一兩

輕粉

半兩

青黛

二錢半

右三味研為細末乾糝瘡上

秘錄治小兒風癩

白礬

十二兩

熱酒鎔化馬尾蘸酒塗

之立効

山小兒頭面爛瘡

木耳春細蜜調傅又冷水調平胃

散俱乾則易之

癰疹潔古云癰疹之病焮腫於外者屬少陽相火也謂之癰小紅靨隱於皮膚中者屬少陰君火也謂之疹癰疹並出則小兒難禁然首尾俱不可下大抵安裏藥多

發表藥少小便秘則微疎之身溫者順身涼者逆大忌
外敷寒涼內用疎導無此二者可保無虞

葛根橘皮湯 治發癰煩悶嘔吐清汁無治麻痘等證

葛根 陳皮 杏仁 去皮 麻黃 去節 知母 炒 甘草

黃芩 各半兩

右七味每服二三錢水煎服

玄參升麻湯 治癰疹已發未發或身如錦紋甚則煩

躁語言喉閉腫痛

玄參 升麻 甘草

右三味每服二三錢水煎服

化癰湯

人參 石膏 知母 甘草

各二錢

右四味每服二錢水一盞入糯米半合煎六分米熟
為度去滓溫服

荆防敗毒散

即人參敗毒散
加荆芥防風

人參敗毒散 治瘡瘍邪氣在表應發者若增寒壯熱

項強脊疼或惡心咳嗽亦宜用之

人參 茯苓 川芎 羌活 獨活 前胡 柴

胡 桔梗 枳殼

麤皮炒

甘草

炒各等分

右十味每服二三錢水煎服

東垣人參安胃散 治癰疹因服峻厲之劑脾胃虛熱

泄瀉嘔吐飲食少思等證

人參

錢一

黃芪

炒二錢

生甘草

炙甘草

各五分

白芍

酒炒

陳皮

七分

白茯苓

三分

黃連

四分

黃連

炒二分

右八味為末每服二錢水煎服

犀角消毒散 治癰疹丹毒發熱痛痒及瘡疹等證

牛蒡子 甘草 荊芥 防風

各五分

犀角

鎔末三分

金

銀花

三分

右六味水煎熟入犀角傾出服

地龍散 治小兒風熱癰疹狀如傷寒耳尖及手足冷

地龍

洗去土半兩焙乾

穿山甲

半兩以皂角灰炒令黃

硃砂

二錢研細

右前二味為細末後入硃砂一處再研和勻每服一

錢用紫草煎湯調下不拘時量兒大小加減

消毒飲

咽

清涼飲子

裏熱

治大人小兒癰疹入腹即殺人方

用蕪菁子末酒調服三錢小兒加減 又酒服牛膝末三錢小兒減之 又以鹽湯洗了按蓼子傳

治風腫及癰疹

巴豆五十箇去皮以水三升煮取一升以綿浸湯中適寒溫以拭病上隨手差

治風疹入腹身體強腫舌乾燥硬

蔓菁子三兩為末每用溫酒調一錢

治風疹痒不止

酪

五合鹽兩一

二味相和煎過摩病處立瘥

又方蛇

蛻皮一條水一升煎半升雞翎掃揩上即瘥 又方

白礬五兩為末以酒三合童便一升煎如稀膏以綿

蘸藥於病上輕手揩之令熱徹入皮膚須臾消盡此

方神奇能治百計不差者

出聖惠

黃水粘瘡薛小兒黃水粘瘡屬肝脾二經風熱積熱所致邪在表而痛痒者輕則犀角消毒散重則連翹防風湯邪在內而大便秘者輕則九味解毒散重則大連翹飲若頭目不清增寒壯熱作渴便秘者表裏俱有邪也用加味清涼飲若誤服尅伐之藥而致發熱惡寒者肺氣傷也用四君桔梗柴胡發熱嘔吐胃氣傷也用異功散發熱作瀉脾氣虛也用六君子湯並加柴胡升麻餘當隨證裁之

大連翹飲

治風毒熱毒發熱作痛二便不利表裏俱

實

方見

柴胡梔子散

治肝膽風熱生瘡作痛發熱或瘡破而

膿水淋漓或發寒熱晡熱

方見

犀角消毒散

治熱毒積毒發于肌表而頭面生瘡或

痛或痒者

方見
癰疹

荆防敗毒散

治風熱相搏邪氣在表患瘡瘍之類寒

熱作痛者

方見
前

補中益氣湯

治瘡瘍之類過服敗毒之藥致中氣虛

弱發熱或寒者

方見虛熱

六君子湯

治瘡瘍脾胃虛弱不能飲食更或嘔吐而

瘡不愈者

方見脾

九味解毒散

治熱毒胎毒而發瘡瘍之類未潰作痛

者

黃連

炒

芍藥

防風

甘草

各三分

金銀花

連翹

各一分

當歸

八分

山梔

四分

白芷

六分

右九味作一劑水煎母子並服

加味清涼飲 治熱毒積毒在內患瘡瘍大便不通而

欲痛作渴者

當歸 赤芍藥 甘草

炙

大黃

炒各三分

山梔

炒三分

牛

蒡子

炒杵四分

右六味水煎服

人參消風散 治諸風上攻頭目昏眩項背拘急肢體

煩疼肌肉顫動耳若蟬鳴鼻塞多嚏皮膚頑麻瘙癢

疹目澁昏困

人參 白殭蠶 茯苓 防風 芎藭 藿香

蟬蛻 厚朴薑製 羌活各三錢 荊芥穗 炙甘草 陳

皮各五錢

右十二味每服一二錢水煎

連翹防風湯 治小兒肝脾風熱時毒頭面生瘡

連翹研碎 防風 黃連 陳皮 芍藥 當歸 白

蒺藜炒去刺 荊芥 獨活 茯苓 甘草 黃芩

牛蒡子

炒研各等分

右十三味每服二錢水煎服

和肝補脾湯 治風熱瘡疹脾土不及肝木太過

人參 陳皮 川芎

各五分

山梔

炒四分

白朮 茯苓

芍藥

各七分

柴胡

甘草

炙各三分

右九味分二劑水煎服

益脾清肝湯 治肝脾風熱瘡寒熱體痛脾胃虛弱

人參 白朮 茯苓 甘草 川芎 當歸 黃

芪

各三分

柴胡

牡丹皮

各二分

右九味水煎服

三黃散

治風熱疔熱生瘡水浸淫膿流處便濕爛

松香

五倍子

黃連

黃丹

海螵蛸

各一錢

輕

粉

雄黃

各少許

右七味為末用瑩肌散煎洗滲之乾者油敷

立効散

定粉

松香

黃檗

黃連

枯礬

各一分

右五味為末用清燭油調搽

頭面瘡薛人身諸陽之氣會於首而聚於面其有患瘡
瘕者因臟腑不和氣血凝滯於諸陽之經或稟賦腎陰
虛肝火或受母胎毒或乳母六淫七情或食膏粱醇酒
或兒食甘肥厚味所致其因不同當各辨其經絡審其
所因而治之若發於目銳眥耳前上頰抵鼻至目內眥
者皆屬小腸經發於顛及頭角下頰耳後腦左右者皆
屬胆經發於頰前鼻孔及人中左右者皆屬大腸經發

於鼻之挾孔下唇口反承漿耳後頰車耳前髮際額顙者皆屬胃經發於目內眥上額尖至後腦項者皆屬膀胱經既察其經即當分治若稟腎火者用六味地黃丸

腎胎毒者犀角消毒丸

前見

食積疳者四味肥兒丸

疳乳

母膏粱者東垣清胃散

齒

至於諸腑受病必兼諸臟故

患於額間屬心經發熱飲冷者為實熱用導赤散

心發

熱飲湯者屬虛熱用養心湯左腮屬肝經或頸項勁強

者為實熱用柴胡清肝散

熱

或咬牙煩悶者為虛熱用

六味地黄丸右腮屬肺經喘嗽飲冷者為實熱用瀉白

散

肺

發熱咳嗽者為火刑金用人參平肺散

嗽

鼻間屬

胃經發熱飲冷大便黃硬者為實熱用瀉黃散

脾

發熱

飲湯大便青白者為虛熱用異功散患於頰及耳輪者

屬膀胱經腎無實證唯用地黃丸若瘡已潰久而不愈

則當審其臟氣之相勝病邪之傳變而以調補脾胃為

主若因乳母遺熱為患者當先治其母則兒病自愈也

養心湯

治心氣不足虛熱上攻而患瘡瘍者

黃芪 白茯苓 半夏麴 當歸 川芎 辣桂

栢子仁 酸棗仁炒 五味子杆 人參各三錢 甘草炒

錢

右十一味每服一二錢薑棗水煎為末服亦可

牛黃解毒散 治胎毒頭面生癩或延及遍身痒痛不

安及眉煉瘡浸淫不愈

生甘草一兩 牛黃五錢 金銀花一兩

必用之

右三味各為末每服二三分乳汁調服或用甘草煎

膏為丸芡實大每一丸白湯化服外傳青金散亦可
拔毒散 治證同前及疥癩瘡癰

黃芩

黃連

白礬

三味俱生用

雄黃

各五錢

銅綠

二錢

加松香

右六味各另為末乾糝患處或用油調搽疥瘡宜加
枯礬三錢

頭瘡小兒頭是六陽受毒熱而攻頭成瘡也若頭上散
成片常常燥癢毛髮稀少有類白屑此因積熱上攻名

曰禿瘡瘡雖宜於頭世人只知以藥外傳得愈不逾旬月其瘡又發何為而然蓋頭者諸陽所會之處洪範五行火曰炎上熱毒上攻兩陽相灼故瘡生於頭法當解陳莖對音之積熱導心經之煩躁斯可矣

世治久癩頭用黃連細末傅之 治年久癩頭內用苦參丸食後服之外用苦參末油傅之二月愈

丹又方用防風通聖散酒製除大黃另研為末再用酒拌晒乾為末每一錢水煎服日四五服至三十貼見効

又方 川芎 片苓 酒 芍藥 酒 陳皮 各半 白朮 酒 當歸

酒各一兩 天麻 酒七錢半 蒼耳 七錢半 黃蘗 酒 粉草 酒 防風 各三錢

右十一味咬咀煎服四五次服服睡片時

小兒癩頭用燒紅炭焯長流水令熱洗之仍用芫荇子

煎猪脂去滓用脂傅患處 又用胡荽子伏龍肝懸龍

尾黃連白礬為末油調傅

頭瘡方 猪油 一錢半生半熟 雄黃 水銀 各二錢半

右三味研和勻傅瘡上

又方治小兒癩頭并身癩等證用松皮燒灰白膠香枯
礬大黃黃檗油調傳患處 又方用臘月馬脂油搽患

處極妙

簡頭瘡 大笋殼燒灰量瘡大小用灰調生油傳又加

膩粉佳

秘錄小兒頭身諸瘡燒雞卵殼和猪脂傳之

世治癩頭

松香

一兩乾銚錄
上候冷取起

開安在石
輕輕研細

黑龍尾

即屋
塵垂

掛
者黃丹

錢各三

白芷

半兩松樹

燒灰
存性

水銀

雄黃

白

金匱要略卷八
錢各二

右八味為末以血餘入香油煎爛調傅患處

鱖攻頭瘡方 用敗龜板酥炙為末以飛麵少許和油調塗頂上留孔出毒不可調太柔

面瘡 治小兒面瘡通面爛無全膚膿水流漓百藥不効者陳年臘猪油不入鹽者傅之神効

眉爛薛眉爛者謂小兒兩眉間生瘡如疥癬當求其因而藥之蓋眉屬膽經若原稟肝膽經熱或乳母肝膽經

有熱者用柴胡梔子散或乳母食厚味醇酒者用加味
清胃散或乳母有鬱怒者用加味道遙散俱與乳母服
子亦飲少許仍參前證主之

田眉爛治法用青金散傅之如不愈燒小麥存性研細
好油調塗

青金散 治小兒疥癬眉爛或延及遍身瘙痒或膿水
淋漓經年不愈

松香

二兩

真蛤粉

五錢

青黛

二錢

五分

右三味為末用燭油調搽或乾糝之或加輕粉枯礬各三錢以治前證及胎毒疥癩尤效

耳瘡丹小兒耳後月蝕瘡蚯蚓糞燒以猪油和傅 胡

粉雞清和傅 黃連末傅 竹葉燒末猪脂和傅

水銀膏 治月蝕瘡多在兩耳上及竅旁隨月虛盈

水銀

二錢半

胡粉

松脂

黃連

去鬚為末各半兩

猪脂

四兩

右五味先熬猪脂令沸下松脂諸藥末及水銀攪令勻磁盒盛先以鹽湯洗淨瘡塗數日三五度

胡粉散 治月蝕瘡

胡粉

炒微黃

白礬

煨

虢丹

煨

黃連

淨

輕粉

各二錢

臘脂

一錢麝香許

右七味為末先以溫漿水入鹽洗拭後糝藥如瘡乾

麻油調敷

耳內瘡耳有五般常出黃膿者為停耳出紅膿者為膿耳出白膿者為纏耳瘡臭者為伍耳耳內虛鳴出青膿者為震耳證雖五般病源一也皆由風水入耳而因有

積熱上壅而成若不早治久則成聾宜胭脂膏治之仍服化痰退熱等劑即愈也

蔓荊子湯 治內熱耳出膿汁

升麻 木通 麥冬 赤芍藥 生地黃 前胡

甘菊 甘草 桑白皮 赤茯苓 蔓荊子

各等分

右十一味用薑棗水煎食後服

清上散 治上焦風熱耳出膿汁頭面瘡癰亦治胎熱眼睛腫赤糞色稠黃肚熱啼哭及身上紅腫

川鬱金 甘草 北桔梗 天花粉 乾葛 薄

荷葉

各等分

右六味為末入蜜拌勻白湯下三五七分或一錢仍用艾葉煎濃湯溫浸足底以引其熱下行

當歸龍薈丸 治肝膽風熱耳中鳴出青膿名曰震耳

大便秘小便黃常服宣通血氣調順陰陽

當歸 龍胆草 柴胡 各一兩 青黛 胆星 大黃

蘆薈

各五錢

射香

五分

梔子

酒黃芩

酒黃連 黃

藥

各一兩

木香

二錢五分

右十三味為末煉蜜丸小豆大每服二十九薑湯送

下

清黃散 治耳出黃膿名曰聾耳內有風熱外有水濕

所干醞久而成

防風

滑石

飛五錢

甘草

炙一錢

梔子

酒炒三錢

藿香

酒

黃連

各二錢

右六味為末白湯調二錢食後服

清心丹 治耳出紅膿名曰膿耳及舌上生瘡如楊梅

狀者

黃連

酒炒三錢

滑石

飛六錢

甘草

辰砂

飛各一錢

薄荷

六分

角

鎊屑二錢

右六味為末每服一錢五分蜜拌薄荷湯下夜再服

清白散 治肺熱痰火上壅耳出白膿名曰纏耳兼治

咳嗽

桑白皮

蜜炒

地骨皮

各三錢

甘草

一錢

貝母

二錢

寒水石

三錢

錢
天花粉 酒芩 天門冬

各一錢半

右八味為末以蜜水調食後服或白通草煎湯下尤妙

交感丹 治耳中瘡臭名曰伍耳或怒氣上逆上下不得宣通遂成聾聵

香附子

童便浸透炒三錢

茯神

黃連

各二錢

桂心

甘菊

花

各一錢

右五味為末每服一錢五分燈心湯下

禹餘糧丸 治聾耳出膿水

禹餘糧

煨醋 焯七次

海螵蛸

去背上硬骨

百草霜

伏龍肝

各二錢五分

大附子

去皮臍生用一枚

右五味為末以綿裹如員眼核大安耳內日再易之
如不瘥乃有蟲也

龍骨散 治諸膿耳

枯礬

龍骨

胆脂胚

各一錢

麝香

少許

右四味為細末以綿裹杖子拭去耳中膿再吹一字

入耳中日再加海螵蛸一錢尤妙

羊角散 治耳內膿汁不乾

山羊角燒存性為末每吹二三分入內一日二次

三日全瘳

滋陰地黃丸 治耳虛鳴膿汁不乾腎陰不足

熟地黃

兩一

白茯苓

錢四

山茱萸

錢五

甘菊

錢四

牡丹皮

錢四

黃蘗

何首烏

黑豆

各四錢

錢三

右七味為末煉蜜丸梧子大每服三五十丸

白斂散 治小兒凍耳成瘡或痒或痛

黃檗 白斂

各半兩

右二味為末先以湯洗瘡後用油調塗

口瘡曾口瘡一證形與名不同故治法亦異有發於未病之前有生於已病之後大抵此疾不拘肥瘦有血氣盛者又加將養過溫或心脾二經有熱或客熱在胃熏逼上焦而成其瘡此為實證宜宣熱拔毒使無炎熾自然作效可用當歸散加升麻乾葛黃芩水薺葱燈心煎

服及投牛蒡湯拔毒飲木通散點以消黃散 若口內
白爛於舌上口外糜潰於唇弦瘡少而大不甚為痛常
流清水此因脾胃虛熱上蒸內已先發而後形於外宜
百解散疎表當歸散水薑棗煎服和胃氣理虛熱次投
牛蒡湯三解散塗以綠袍散立効飲黃金散或投以天
竺黃散地黃膏 若瘡生於口角是脾有積熱才開口
則燥痛飲食多難甚至再有外風吹着便覺圻裂微有
清血謂之燕吻瘡治法同前藥餌輕者用甌蓋上吹流

汁塗之亦驗 有口唇下成小片赤爛此因飲食膩汁

淋漓不潔蓋以嬰兒皮肉脆嫩浸積成瘡及有風熱乘
之名曰承漿瘡又謂之疳蝕瘡其所因者一也治法同
前證內藥劑 有無故口臭糜潰而不成瘡或服涼劑
或塗末藥不能療者此名元焦故叔和脉訣曰陰數脾
熱并口臭是脾家有虛熱上攻于口宜服回陽散兒大
者用黑錫丹早食前用新汲水入鹽少許調勻送下與
正元氣及參苓白朮散調元散服之以立效飲黃金散

乾點潰爛處或用蒸蜜同熟水調點舌上令其自化
下無妨仍忌毒物

當歸散

潮熱

牛蒡子湯

咽

拔毒飲

解風熱毒氣上攻頭項浮腫作痛發驚又治

發癰

天花粉

去粗皮
一兩

生地黄

洗淨

白芷

當歸尾

洗酒

桔梗

剉片蜜
水炒過

甘草

各半
兩

右五味剉每服二錢水一盞煎七分無時溫服

木通散

淋

消黃散

古

百解散

驚

三解散

熱潮

綠袍散

古

立效飲

主口內牙根舌上發瘡作痛致語言飲食不

便

淨黃連

兩一

北細辛

去葉二錢半

玄明粉

錢二

右三味細剉或晒或焙為末仍同玄明粉乳鉢內杵勻每用一字乾點患處或以一錢新汲井水調塗瘡上兒小者畏苦不肯點嚙用蜜水調敷患處令其自化咽痛茶清調下

黃金散 解口內舌上瘡毒及治痘瘡後目生翳膜

黃檗

去粗皮用生蜜潤透烈日晒乾再塗蜜晒几十數次

粉草

各一兩

右二味剉研為細末治口瘡用藥末乾點患處或用麥門冬熟水調點舌上令其自化若痘瘡後目生翳膜湯泡澄清無時頻洗仍投糖煎散柿煎散二藥服天竺黃散 主上焦風熱口鼻生瘡兩目赤腫咽膈不利涎壅滯氣不通暢驚搐煩悶神思昏迷

天竺黃

鬱金

如無山梔仁代

茯神

去皮根

甘草

四味各半兩

鵝

砂 牙硝 白芷 川芎 僵蠶去絲 枳殼去黃 麝香各二

半錢 硃砂水飛 麝香一字 蟬殼十五枚 泥土洗去

右十三味除鵬砂牙硝硃砂麝香四味乳鉢細杵餘九味焙乾為末同入乳鉢內再杵勻每服半錢或一錢溫薄荷湯無時調服或麥門冬湯

地黃膏 治口內舌上生瘡作痛飲食難進晝夜煩啼

山梔仁 萊豆粉各一兩半 粉草六錢

右三味或晒或焙為末用生地黃爛杵取汁一兩半

好蜜一兩半以薄瓦器盛在銅銚中水煮至高稠糊相似候冷停分入煎藥末同在乳鉢內再杵勻丸芡實大每以一九至二九麥門冬熟水無時化服兒大者每用一九納口內含化或以新汲水調點舌上

回陽散

吐瀉

黑錫丹

大料頭痛

參苓白朮散

不能食

調元散

解

薛諸痢口瘡因乳哺失節或母食膏粱積熱或乳母七情鬱火所致其證口舌齒齦如生瘡狀若發熱作渴飲冷額間色赤左寸脉洪數者此屬心經先用導赤散清

心火次用地黃丸滋腎水若寒熱作渴左頰青赤左關
脉弦洪者屬肝經先用柴胡梔子散清肝火次用六味
地黃丸生肝血若兩腮黃赤牙齦腐爛大便酸臭右關
脉洪數按之則緩者屬脾經用四味肥兒丸治脾火以
五味異功散補脾氣若發熱咳嗽右腮色赤右寸脉洪
數按之濇者屬肺經先用清肺飲治肺火次用五味異
散補脾胃若發熱作渴兩頰鰲色左尺脉數者屬腎經
不足先用六味地黃丸以生腎水次用補中益氣湯以

生肺氣又有走馬疳者因病後脾胃氣血傷損虛火上炎或痘疹餘毒上攻其患甚速急用銅綠散大蕪荑湯輕則牙齦腐爛唇吻腮腫重則牙齦蝕露頰腮透爛若飲食不入喘促痰甚此脾胃虛而肺氣敗也頰腮赤腐不知痛者此胃氣虛甚而肉死也並不治

經云手少陰之經通于舌足太陰之經通于口因心脾二經有熱則口舌生瘡也當察面圖部位分經絡虛實而藥之若元氣無虧暴病口生白屑或重舌者用亂髮

纏指蘸井花水揩之或刺出毒血敷以柳花散傅之上
以腫脹或有泡者並令刺破敷前散或以青黛搽之刺
後又生又刺若唇吻坼裂者用當歸膏調柳花散敷之
若元氣虧損服寒涼之藥或無作嘔少食者此虛熱也
用五味異功散加升麻柴胡若泄瀉作渴者脾胃虛弱
也用七味白朮散若腹痛惡寒者脾胃虛寒也用六君
薑桂若因母食酒麵煎煨者用清胃散若因母飲食勞
役者用補中益氣湯肝脾血虛者用加味逍遙散鬱怒

內熱者用加味歸脾湯母子並服若泥用降火必變慢脾風矣仍參吐舌弄舌治之凡針重舌以線針直刺不可橫挑恐傷舌絡致言語不清也

東垣清胃散 治胃經有熱齒牙作痛或飲冷作渴口舌生瘡或唇口腫痛焮連頭面或重舌馬牙吐舌流涎若因服尅伐之劑脾胃虛熱口舌生瘡或弄舌流涎或嘔吐困倦大便不實者用五味異功散

升麻

分五

生地黃

分四

黃連

牡丹皮

分各

三

當歸梢

分四

右五味水煎服嬰兒母亦服

清熱消毒散 治實熱口舌生瘡及一切瘡瘍腫痛形

病俱實者

黃連

炒

山梔

炒

連翹

當歸

各五分

川芎

芍藥

炒

生地黄

各六分

金銀花

一錢

甘草

二分

右九味水煎服嬰兒母同服

四君子湯 治脾氣虛熱口舌生瘡或但胃氣復傷飲

食少思或食而難化若作嘔泄瀉尤宜用如無痰嗽

氣逆肢體倦怠面目浮腫宜用六君子湯

六君子湯 治脾胃氣虛吐瀉不食肌肉消瘦或肺虛

痰嗽喘促惡寒或驚搐口直口噤諸證

二方見不能食

五味異功散 治脾胃虛熱口舌生瘡或因誤服剋伐

之劑脾胃復傷而口舌生瘡或弄舌流涎吐瀉不止

飲食少思或驚搐痰嗽睡而露睛手足並冷若母有

病致兒為患者子母並服

方見

柳葉散 治熱毒口瘡

黃蘗

炒

蒲黃

青黛

真正者

人中白

般各等分

右四味為末敷之

簡如聖散 治小兒口瘡不能喫乳者麻子一粒或二粒研爛不去油入硃砂黃丹傅紙絹上少許剔開小兒顙門貼在顙上如四邊起粟米泡便用溫水洗去藥恐成瘡更用菖蒲水洗其效如神

世南星膏 治小兒口瘡難用藥以大天南星去皮取中心龍眼大為末却用酸醋塗脚心甚妙

干治小兒口瘡飲乳不得以白礬如雞子大置醋中塗
兒足底二七次即愈

無牡蠣散 治小兒口瘡

牡蠣

煨通紅取出候冷研細紙裏入土中七日出毒三錢

甘草

炙為末一錢

右二味和勻時時挑少許糝口中或吐皆無害

田口瘡治法乳母同兒宜服洗心散瀉心湯後用黃蘗末研細糝之瀉心湯方黃連一味為末蜜水調不可煎湯治口瘡驗方

黃檗

蜜炙 赤

青黛一分

右二味為末頻糝口內愈

斗口瘡服涼藥不愈者此中焦氣不足虛火泛上宜附子理中湯

腮癰薛腮屬足陽明胃經其生瘡者多因兒食甘甜味脾胃積熱所致亦有乳母鬱怒兒受其患者若因熱積於內二便不通者用涼膈散風邪相搏二便如常者用漏蘆湯胃經風熱或兼咽喉腫痛用升麻防風湯若

金匱要略卷八十一
稟賦陰虛火動頰間或兩耳內生瘡或出膿不止者宜
用地黃丸若因乳母肝火乘脾用加味逍遙散脾經鬱
熱用加味歸脾湯膏粱積熱用東垣清胃散脾胃風熱
用清咽利膈湯仍參口瘡治之

升麻防風湯 治胃經實熱咽痛口燥腮癰等證

升麻 防風 黃檗炒 芍藥炒 陳皮各五分 連翹

當歸各七分 茯苓五分

右七味每服二錢水煎仍量大小用之

清咽利膈湯 治心脾蘊熱或咽喉腮舌腫痛

玄參 升麻 桔梗炒 甘草炒 茯苓 黃連炒 黃

芩炒 防風 牛蒡子炒 芍藥炒 等分

右十味每服一二錢水煎

本事方 治小兒毒氣攻腮赤腫可畏者

皂角去核 天南星生用 糯米一合

右三味為細末薑汁調塗立効

臂癰薛臂癰之證當分經絡所屬受證之因而治之上

廉屬手陽明經下廉屬手太陽經外廉屬手少陽經內
廉屬手厥陰經內之上廉屬手太陰經內之下廉屬手
少陰經或經絡熱鬱風邪外干氣血有乖即生癰毒若
因心經有熱者導赤散加黃連心包絡有熱者柴胡梔
子散肺經有熱者瀉白散大腸經有熱者大連翹飲
腫作痛者氣血凝結也用仙方活命飲腫痛不消者欲
作膿也用托裏消毒散膿熟不出者氣血虛也用托裡
消毒散膿出反痛者氣血虛甚也肌肉不生者脾胃氣

虛也用五味異功散不可外傳生肌散恐反助其邪而肌肉難長也

白芷升麻湯 治手陽明經分臂上生瘡

白芷 升麻 桔梗 錢各一 黃芪 炒 黃芩 酒炒各二錢 生

黃芩 分五 甘草 炙 紅花 分各五

右八味水酒半鍾煎食後溫服

大連翹飲 即大連翹湯 治肺熱生瘡

連翹 藿麥 荊芥 木通 赤芍藥 當歸

防風 柴胡 滑石 蟬殼 甘草炒 山梔子

黃芩

各等分

右十三味為末每服二錢加紫草水煎服 大便不通量加大黃

腋癰薛腋癰屬足少陽手少陰手厥陰三經小兒患之多稟賦肝火所致初起先用活命飲次用柴胡梔子散五七日間作膿焮腫作痛者亦用活命飲殺其大勢雖潰亦輕而易斂若膿已成用托裏消毒散已出用托裏

散如有變證當隨證治之

脇癰薛脇肋者足厥陰少陽之經相火之司也乃木之主肝胆之氣不平則風火內搏榮逆血鬱熱聚為膿而癰腫之所由生也亦有稟賦母氣肝胆之熱恚怒之火而致然初患愀腫作痛者宜用柴胡梔子散未消者用仙方活命飲其熱既殺而腫不消者則必成膿也乃用托裏消毒散其膿既成以代針膏決之仍用托裏散自愈若膿出而痛止腫消則不必用藥也

加味歸脾湯 治小兒因乳母憂思鬱怒胸脇作痛或
肝脾經分患瘡瘍之證或寒熱驚悸無寐或便血盜
汗瘡口不斂等證

人參

黃芪

炒

茯神

去木

甘草

炒

白朮

炒

各錢一

木香

五分

遠志

去心

酸棗仁

龍眼肉

當歸

牡丹皮

山

梔

炒各

錢一

右十二味水煎乳母服兒亦服之

小柴胡湯

治肝膽經分一切瘡瘍發熱潮熱或飲食

少思加山梔牡丹皮名加味小柴胡湯

方見發熱

柴胡清肝散 治肝經風熱或乳母怒火患一切瘡瘍

見肝熱

梔子清肝散

一名梔子散

治三焦及足少陽經風熱生瘡

或發熱耳內生瘡作痒或出水疼痛

見腎熱

腹癰薛腹癰者患於臍下或傍二寸許屬脾經近脇屬膽經蓋因脾經陰虛氣滯血凝或因脾虛飲食積熱所患若炊腫作痛者瀉黃散腎硬腫痛者清胃散腫痛便

秘者清涼飲如此而仍痛者瘀血凝滯也活命飲既用此藥而不消則內欲作膿也用托裏消毒散若膿出而痛不減者毒未解也亦用前藥若膿出而反加痛及膿水清稀者氣血虛也用參芪托裏散若食體倦者脾氣虛也用五味異功散加當歸柴胡升麻晡熱內熱者脾血虛也用四君當歸丹皮如有他證當隨症治之

醫癰薛醫癰屬膀胱經濕熱或稟賦陰虛若腫硬作痛用內托羌活湯微腫微痛用托裏消毒散若初起大痛

或五日之間似消不消似潰不潰者先用仙方活命飲
後用托裏消毒散若已潰食少體倦瘡不生肌脾胃虛
弱者用五味異功散加柴胡升麻稟賦陰虛小便數而
不斂者加減八味丸氣虛久不生肌收口用豆豉餅及
補中益氣湯培養元氣若用解熱攻毒及敷圍寒涼之
劑則血氣受傷必成敗症矣

內托羌活湯 治尻腎生癰堅硬腫痛

羌活

黃檗

酒製各一錢

防風

藁本

當歸尾

各五分

肉桂 連翹

甘草

炙

蒼朮

陳皮

各三分

黃芪

八分

右十一味作二劑水一鍾入酒一杯煎空心服

腿癰薛腿癰之證所主之經不同而所治之法亦異發于內側者屬肝脾二經發于外側者屬胆胃二經漫腫堅硬者元氣虛弱也用內補黃芪湯腫勢高熇者元氣未虛也用內托柴胡黃芪湯外並用隔蒜熨法若瘀血凝滯而不消或不作膿者用活命飲血氣虛弱而不能潰及不生肌肉者用托裏散此其梗概云爾 一小兒

腿內側前膝患毒潰後腫硬色黯膿清不斂面色青黃
此脾虛肝旺兼寒邪襲於患處也當壯元氣為主先用
異功散加柴胡升麻及葱熨法脾氣漸復患處漸愈佐
以八珍湯豆豉餅而愈 一小兒腿外側痛腫肉色如
故用托裏消毒散二劑而腫始赤又四劑而腫赤亦退
又六劑潰而膿出清稀食少體倦用異功散加歸芎仍
用托裏散補其元氣而愈 一小兒漫腫堅硬肉色不
變此陽氣虛而不能成膿也用托裏散如聖餅腫起色

赤用托裏消毒散而膿成針之用八珍湯加肉桂漸愈
因傷食吐瀉患處微白飲食少思先用六君乾薑次用
八珍湯及蔥熨法而愈 一小兒患此久不愈膿水清
稀面色萎黃腹大青筋此脾氣虛為肝所侮也朝用補
中益氣湯夕用五味異功散元氣稍復乃佐以四味肥
兒丸及蔥熨之法兩月餘而愈 一小兒腿外腫腫一
塊服消毒之藥其腫益甚肢體羸瘦飲食少思更加作
痛余曰先腫而後痛者形傷氣也先痛而後腫者氣傷

形也當補接陽氣不信仍投疏泄之藥後果歿機要云
榮衛之氣充滿抑遏不能行故閉塞氣血腐而為癰者
當泄之以奪盛熱之氣若人飲食疎精神衰氣血弱肌
肉消薄故榮衛之氣短促而滯滯故寒搏腠理閉鬱而
為癰者當補之以接虛怯之氣信矣

肺癰齊氏云肺癰肺痿因脾肺氣虛腠理不密外邪所
乘或母食辛辣厚味遺熱於兒或兒有病過於汗下內
亡津液虛火爍肺或服剋伐之藥虧損脾胃不能生肺

金其證惡風咳嗽鼻塞項強呼吸不利甚則四肢微腫
咳唾膿血若吐臭穢胸中隱痛脉數而實者為肺癰咳
唾涎沫脉數而虛者為肺痿惡寒喘嗽者寒邪內蘊也
小青龍湯咳唾膿穢者肺癰內潰也桔梗湯竊謂前證
若喘咳短氣者脾肺氣虛也五味異功散咳唾膿痰左
尺脉數而無力者腎氣虛也六味地黄丸咳唾膿痰右
關脉數而無力者脾氣虛也七味白朮散若發熱喘嗽
唾膿不食者脾肺虛甚也難治大要補脾肺滋腎水為

善仍審五臟相勝乳母七情後證倣此

小青龍湯

治傷風冒寒咳嗽喘急肺脹胸滿鼻塞流

涕或乾嘔熱咳或作渴或作噎或小便不利或小腹

脹滿此仲景之法審有是證用之及時殊有良驗

麻黃

去節

赤芍藥

半夏

各七錢

細辛

乾薑

炮

甘草

炙

桂枝

各三錢

五味子

半兩杵

附子

二錢脉浮不用

右九味每服二錢水煎

桔梗湯

治咳嗽膿血腥穢已成癰證

桔梗

炒

貝母

去心

知母

炒

桑白皮

炒

枳殼

各一錢

地骨

皮

瓜蒌仁

薏苡仁

杏仁

杵

當歸

黃芪

炒各一錢

五味子

杵

百合

炒各一錢

五分

防己

一錢

甜葶藶

炒

五分

右十五味每服二三錢水煎服

升麻湯

治肺癰膿血穢臭胸乳皆痛

升麻

桔梗

炒

薏苡仁

地榆

條芩

炒

牡丹皮

芍藥

炒

甘草

各等分

右八味每服二三錢水煎

排膿散 治肺癰此方排膿補肺

黃芪

鹽水拌炒

白芷

人參

五味子

炒研各等分

右四味為末每服一二錢蜜湯調下

射干湯

治胃脘癰吐膿血

射干

去毛

梔子仁

赤茯苓

升麻

赤芍藥

一兩三錢

白朮

五錢

右六味每服三五錢水煎入地黃汁少許再煎服

人參平肺散

治心火尅肺金傳為肺癰咳嗽喘嘔痰

涎壅盛胸膈痞滿咽嗑不利

人參 陳皮 甘草 地骨皮 茯苓各二錢 知母

分炒七 五味子炒 青皮 天門冬去心四分 桑白皮炒一錢

右十味每服二三錢

參芪補脾湯 治肺癰脾氣虧損咳吐膿涎或中滿不

食必服此藥補脾土以生肺金否則不治

人參 白朮各二錢 黃芪炒二錢五分 茯苓 陳皮 當

歸各一錢 升麻三分 麥門冬七分 桔梗六分 甘草炙五分 五味

子料四
分

右十一味作三服薑棗水煎

人參補肺湯 治肺證咳喘短氣或腎水不足虛火上

炎痰涎壅盛或吐膿血發熱小便短澀

人參 黃芪炒 白朮 茯苓 陳皮 當歸各一錢

山茱萸 乾山藥 五味子料 麥門冬去心 甘草炙

熟地黃自製 牡丹皮各五分

右十三味每服五錢水煎服

腸癰張仲景云腸癰之證因飲食積熱或母食辛熱之物所致小腹按之則痛小便數似淋腹急惡寒身皮甲錯或自汗惡寒若脉遲緊未有膿者用仙方活命飲以解其毒脉洪數已有膿者服太乙膏以下其膿小腹疼痛小便不利者膿壅滯也牡丹皮散主之竊謂經云腸癰為病不可驚驚則腸斷而死故坐卧轉側之間須令徐緩時少飲薄粥及用八珍湯固其元氣靜養調理庶可保也

大黃湯 治腸癰小腹堅腫按之則痛肉色如常或炊

赤微腫小便頻數汗出憎寒脉緊膿未成也急服之

大黃

炒

朴硝

各一錢

牡丹皮

瓜蒌仁

桃仁

去皮尖各

錢二

右五味每服二三錢水煎

薏苡仁湯 治腸癰腹中痛煩躁不安或脹滿不食小

便澁滯

薏苡仁

牡丹皮

桃仁

各三兩

瓜蒌仁

四兩

右四味每服四錢水煎

桃仁湯 治腸癰腹中痛煩躁不安壅痛大便閉澁亦有繞臍生瘡者但用此藥無妨

桃仁 大黃炒 牡丹皮 芒硝 犀角鎔 冬瓜仁

研各
二錢

右六味水煎入犀角末服

牡丹皮散 治腸癰腹濡而痛時下膿汁或下血

牡丹皮 人參 天麻 白茯苓 黃芪炒 薏苡

仁 桃仁 白芷 炒 當歸 川芎 官桂 甘草

各五分 木香 二分

右十三味每服三五錢水煎

便毒薛便癰因肝火肝疳或稟肝經熱毒若初起腫硬作痛者先用龍膽瀉肝湯一二劑腫痛不減用仙方活命飲二劑五七日不減腫尚硬亦用前二藥各一劑如不消或更痛欲成膿也用活命飲一劑却用托裏消毒散加柴胡山梔一二劑若膿已成而不潰者血氣虛也

用托裏消毒一二劑膿已潰而痛不止者毒氣不解也
用活命飲一劑若膿已出而反痛者血氣虛也用內補
黃芪湯膿已潰而發熱煩躁者氣虛血脫也用當歸補
血湯膿已潰而惡寒發熱者血氣俱虛也用十全大補
湯膿已潰而惡寒者元氣虛也用補中益氣湯膿已潰
而不生肌者脾氣虛也用六君子湯若稟賦怯弱或因
飲食勞倦而為患者恒用補中益氣湯加射干自消設
使不分經絡不別虛實槩行攻伐虧損氣血則輕者難

治重者必變瘵證甚至不起

龍膽瀉肝湯

疔

仙方活命飲

見前

托裏消毒散

見前

內補黃芪湯

薛製

治潰瘍膿水出多或過服敗毒之劑致

氣虛血弱發熱無寐或兼盜汗內熱或不生肌

黃芪

錢二

人參

白朮

炒

茯苓

陳皮

當歸

各一

甘草

錢半

炒五

酸棗仁

錢一

五味子

分

五

右九味水煎徐徐服

當歸補血湯

虛熱

清心蓮子飲

淋

補中益氣湯

虛熱

十全大

補湯

汗

囊癰薛囊癰屬肝經濕熱或稟胎肝熱所致初起腫痛小便赤澀者濕熱壅滯也先用龍膽瀉肝湯如不消用仙方活命飲若腫痛數日不止欲作膿也用托裏消毒散若腫未潰而小便不利者毒氣壅滯也當分利之膿已成而小便不利毒氣未解也當針泄之膿出而反痛者氣血虛也當補益之若元氣無虧雖陰囊悉潰羣丸懸露亦不為害若乳母恚怒令兒患此者加味逍遙散

肝經氣血虛者八珍散加味柴胡山梔俱加漏蘆子母並服

托裏清肝散

人參 黃芪炒 當歸 川芎 芍藥炒 白朮 茯苓

苓 金銀花 白芷炒 甘草炒 連翹 柴胡各七分

山梔四分

右十三味每服二三錢水煎

錢氏蚯蚓散 治腎子腫硬先用葱椒湯煎洗次以乾

蚯蚓糞津唾調敷須避風冷濕地

世傳治小兒陰囊腫大用甘草煎濃汁調蚯蚓糞塗之

立効

山藥膏治兩拘及小腹腫痛或痒用山藥研爛頻敷患處乾則易之

脚凍瘡薛足指凍瘡因受稟虛怯故寒邪易乘氣血凝滯久而不愈則潰爛成瘡治法須壯脾胃溫氣血則死肉自潰良肉自生若骨脫筋連者宜急剪去否則毒延

脚面而死蓋肢末之處氣血難到又為外邪遏絕則氣血不能運行若用湯盪火烘其肉即死而不仁至春必潰腐脫落元氣無虧雖患無害如外敷寒藥內服消毒之劑則元氣受傷必成敗證凡初凍時熱手頻熨之為妙北方凍耳莫誤以手觸之其耳即落大寒能裂膚墮指信然

湯氏生附散 治爛脚瘡用生附末麵水調敷之愈

白欽散

用白欬

兩一

黃檗

炒黑五錢

為末乾糝患處

湯火瘡薛湯火之證若發熱作渴小便赤澀者內熱也
用四物加山梔連翹甘草若肉未死而作痛者熱毒也
用四君加芎歸山梔連翹若肉已死而不潰者氣血虛
也用四君加當歸黃芪外傳當歸膏或栢葉末蠟油調
搽至白色其肉自生若因烟薰將死者以生蘿蔔汁灌
之即蘇若飲食後被湯火所傷發熱腹脹惡食發搐變
證當參食積驚搐門治之

神効當歸膏 治湯火等瘡不問已潰未潰肉雖傷而

未壞者用之自愈肉已死者用之自潰新肉易生搽
至肉色漸白其毒始盡生肌最速蓋當歸生地黃麻
油二蠟皆主生肌止痛補血續筋與新肉相宜

當歸

生地黃

各一兩

麻油

四兩

黃蠟

一兩白者
止用五錢

右四味先將當歸地黃入油煎枯去滓將蠟溶化候
冷攪勻即成膏矣用塗患處將細紙蓋之發背癰疽
杖瘡潰爛用之尤効凡死肉潰爛將脫止有此須相

連者宜用利刀剪去蓋死肉有毒去遲則傷新肉死
肉去盡尤宜速貼蓋新肉最畏風寒不可忽也

乳香定痛散 治傷損一切瘡瘍潰爛疼痛

乳香

沒藥

錢各五

滑石

一兩

冰片

錢一

右四味為細末搽患處痛即止

豬蹄湯 治一切癰疽杖瘡潰爛消腫毒去惡肉潤瘡
口

白芷

當歸

黃芩

蜂房

蜂兒多者為佳

羌活

赤芍

藥生甘草

錢各五

右七味用豬蹄一隻水四五碗煮熟去油渣取清湯入前藥煎數沸去渣溫洗隨用膏藥貼之

治湯火所傷方

用黃蜀葵花浸油內以油敷患處或收黃蜀葵花晒乾碾末香油調敷亦可 又方用定粉碾極細末搗月豬脂調敷患處 又方用草麻子肉碾爛入蛤粉等分如乾再入香油些少調搽患處

翻花瘡薛翻花之證由瘡瘍潰後風寒襲於患處或肝火血燥生風或乳母肝火生風必致瘡口贅肉突出如菌或如指大小長短不同如風邪乘襲者先用補中益氣湯加防風天麻風寒凝滯者先用十宣散加羌活天麻兒肝火生風者先用加味逍遙散加天麻羌活母肝火生風者先用加味小柴胡湯次用加味逍遙散加漏蘆天麻其風邪所乘外用豆豉餅風寒所凝外用蔥熨法更用太乙膏護瘡口突肉不消更以黎蘆膏塗之如

瘡口不斂而惡寒發熱者元氣虛也用補中益氣湯
熱內熱者氣血俱虛也用八珍湯倍加參芪食少難化
者脾氣虛也用五味異功散若飲食少思大便不調或
肌肉消瘦小便澄白者此兼肝脾疳證也用九味蘆薈
丸以清肝火用五味異功散以補脾氣外仍用熨治之
法


黎蘆膏 治瘡口贅肉凸起或出二三寸肉者

黎蘆多不以為末以生豬脂搗和搽凸贅肉上

多骨疽薛多骨疽由瘡瘍久潰脾胃虧損氣血不能營
於患處邪氣陷襲久則筋爛骨腐故骨脫出非稟胎所
有也當補脾胃壯元氣內用大補湯地黃丸外以附子
餅蔥熨法祛散寒邪補接元氣則骨自脫瘡自斂若用
剋伐之劑復傷真氣鮮有不危小兒患之當調補乳母
外用蔥熨以歲月除之尤不可用追蝕之藥

漏瘡薛漏瘡之證因稟氣血不足或久病血氣虛弱或
兒肝脾食積內熱不能生肌或乳母七情不和脾氣不

能收斂當審其所因調補元氣佐以如聖餅蔥熨之類
為善若用流氣破血追蝕等藥反為敗證矣餘當叅各
門主之



證治準繩卷八十